


皇朝史略


六

和書門			
四二五	五五一	一三三	一五
號	號	函	冊

內閣文庫		
四二五	五五一	和書
號	號	冊
一三三	一五	函
二九	一五	架

內閣文庫		
番號	和 42551	
冊數	15 (5)	
函號	269	44





皇朝史略卷之六

水府史臣青山延于著

男 延光校

村上天皇諱成明醍醐帝第十四子朱雀帝同母弟也
 天慶七年立為皇太弟至是受禪即位○天曆元年春
 二月鎮守府將軍平貞盛奏賊坂麻呂作亂官符糾察
 其狀○夏四月以右大臣藤原實賴為左大臣大納言
 藤原師輔為右大臣○二年春三月京師盜賊橫行入
 右近衛府曹司○冬十二月以盜數入禁內使諸衛巡
 夜○三年秋八月關白太政大臣忠平薨贈正一位謚

皇朝史略 卷六

貞信日本紀略忠平寬厚慈愛及薨朝野惋惜榮花物語與兄時

平仲平竝登要職一門烜赫時人謂之三平大鏡初醍醐

帝召相工於宮中相文獻太子及左右大臣相工視太

子曰容貌過美視時平曰智數過多視道真曰才能過

高皆非全福之人時忠平在下坐相工指之曰神識才

貌靡不協吉保榮貴者其惟斯人乎古事談其後二子實

賴師輔為左右大臣父子同時並列三台榮貴顯達世

無與比榮花物語忠平嘗與管原道真善及其所貶問遺不

絕不以兄故生嫌其性夷曠如此愚管抄○九月陽成上

皇崩壽八十一紀略初上皇遜位極意縱肆常與群少十

數人執弓矢遊獵山野或微行入閭里劫奪廐馬鞭逐

主人嘗入左大臣源融別業破壞其牆垣而去又嘗捕

一女子以琴絃縛之置於水中以為笑樂無賴之徒因

緣為奸惡民間厭苦之扶桑略記○四年秋七月立皇子憲

平親王為皇太子略記一○冬十月置殘菊節先是以

醍醐帝忌月廢九月九日節至是置殘菊節以準重陽

西宮記年中行事○五年冬十月置和歌所以左近衛少將藤

原伊尹為別當八雲御抄○六年春三月以越前國司奏請


罷追捕押領等使朝野群載○秋八月太上皇崩年三十略記

愚管抄○八年秋七月敕大內記管原文時等上封事言

闕政文時條陳三事禁奢侈停賣官懷遠人言甚剴切
本朝文粹文時道真之孫也系圖博洽能文一日內宴命群臣
賦詩帝作先成頗自負及文時詩成帝以為絕唱因命
文時評其優劣文時曰聖製固優帝強問文時曰臣作
實上聖製一尋乃逃帝益歎賞江談抄
外史氏曰帝王之學本諸躬行而捨諸國家此教化
之所以行而治道之所以盛也後世帝王徒事文辭
之末技而脩身正心之學置而不講此教化之所以
不行而治道之所以衰也帝以英邁之資留意文
學其施設亦有可觀者然其所好不出於絺章繪句

風雲月露之外至乃與文人才子競優劣較短長其
累帝德也不亦大哉

○十年秋七月詔以炎旱減服御常膳錄寬枉賑鰥寡
免五畿七道逋負文粹○天德元年秋七月吳越持禮使
盛德言來○二年春三月鑄乾元大寶錢○夏四月雨
雪雹寒如冬○秋閏七月有狂女食人世謂女鬼○三
年冬十二月栽橘於紫宸殿略紀○四年春三月御清涼
殿聞歌謂之歌合禁中歌合始此天德歌合記○夏五月右
大臣藤原師輔罷尋薨○秋八月以大納言藤原顯忠
為右大臣略紀顯忠時平之子也公卿補任性尚節儉第宅器



用極朴素盥漱不用盤自執杓灌洗雖為大臣出無前
驅騶從甚少初時平諸子皆蚤世人以為管靈之崇顯
忠深畏懼每夜拜于庭祈免難兄弟中惟顯忠官位顯
達立朝最久人皆以為其畏慎所致大鏡十訓抄古事談○九月
禁中火溫明殿神鏡及太刀節刀契印宜陽殿累代寶
器春興安福二殿戎器內記所文書仁壽殿大乙式盤
盡焚遷都以後至此百七十年始有此災帝避之神嘉
殿又遷職曹司召左大臣藤原實賴親諭之曰朕以不
德久居尊位遭此災殃憂歎何已敕索神鏡獲之灰燼
中形質不損權奉安縫殿寮記略○應和元年春三月親

試文章生○三年冬閏十二月給獎學院年官準勸學
院○康保元年夏五月皇后藤原氏崩紀略皇后師輔之
女也初皇后妹登子適帝兄重明親王以中宮故出入
宮中登子有姿色帝見悅之遂私焉及皇后崩登子亦
娶居帝召寵幸大鏡頗至廢政左大臣實賴聞而歎曰帝
德足垂後世而以此累之惜哉榮花物語○冬十一月敕以
學館院為大學寮別曹紀略是歲栽櫻樹於紫宸殿初遷
都之時桓武帝栽以梅樹至承和而枯仁明帝再植
梅樹天德中罹災至是植以櫻樹禁秘抄古事談○二年夏四
月右大臣兼左近衛大將藤原顯忠薨○冬十月兵庫

火累代戎器盡焚○三年春正月以大納言源高明為

右大臣紀略高明醍醐皇子延喜中賜姓補任○冬十一月

彗星見西方一代要記○四年夏五月帝崩壽四十二葬葛

野郡村上山陵紀略帝性明敏留意政事寬裕温恕恩無

偏倚榮花物語留意源延光為藏人頭時帝甚任用之

一日延光侍側眷遇頗衰延光懼不朝帝俄召之曰一

學生藤原雅材者甚有文才卿何以不奏延光惶懼遠

奏雅材為藏人其好學愛才如此十訓抄嘗問侍臣曰外

議以朕為如何主曰天下皆稱寬帝曰是誠朕志也理

下以嚴民必難堪矣大鏡一日召賤吏老者密問曰當今

與延喜之時得失如何吏曰無異帝切問再三吏曰賤

愚下吏何知唯覺主殿寮多費燎燭率分堂生草耳蓋

謂劇務至夜租入少輸也帝悟自是益加勉勵著聞集後

世言治者必稱延喜天曆云大鏡在位二十一年改元者

四曰天曆天德應和康保皇太子立是為冷泉天皇

冷泉天皇諱憲平村上帝第二子也母中宮藤原氏天

曆四年立為皇太子至是踐祚○六月以左大臣藤原

實賴為關白○秋七月始頒延喜式○九月立皇弟守

平親王為皇太弟日本紀略初帝在東宮多病村上帝憂之

欲立為平親王為嗣然以其婚源氏憚藤原氏而不果

立大鏡及將崩謂左大臣藤原實賴曰朕欲立為平然勢

不得立卿意必在守平也至是實賴遂援立之榮花物語

外史氏曰甚矣外戚之盛也為平帝之所鍾愛而

圓融之兄也兄弟之序互立而藤原實賴以其婚

源氏忌之遂立圓融帝以帝之英明尚為權威

所掣肘况庸昏之主欲不為之所制豈可得乎

○冬十月行即位禮於紫宸殿以疾故不御大極殿紀略

古事談即位用紫宸始此百鍊抄○十二月以關白實賴為

太政大臣職仍舊右大臣源高明為左大臣大納言藤

原師尹為右大臣紀略師尹實賴之弟也大鏡○安和元年

秋八月詔以村上帝忌月廢五月五日節

外史氏曰禮曰君子有終身之喪忌日之謂也忌日

不用非不祥也言夫日志有所至而不敢盡其私也

故忌日廢朝徹樂所以重追遠慎終之意也未聞以

忌月廢朝者自孝謙帝以聖武帝忌月廢端午

節淳和帝又以太后忌月廢之村上帝又以

醍醐帝忌月廢重陽節帝又以村上帝忌月廢

端午節夫文武帝始置七節以為行禮講武之日

非若蹈歌曲宴一時遊戲之比不互以忌月廢之而

歷世因循不革此失禮之大者也

○二年春三月左馬助源滿仲前武藏介藤原善時告中務少輔橘繁延等謀反敗左大臣兼左近衛大將源高明為太宰權帥以右大臣藤原師尹為左大臣大納言藤原在衡為右大臣略紀初繁延與前相模介藤原千晴僧蓮茂等謀奉為平親王作亂滿仲亦與其謀既而以有憾于繁延遂與善時上變告之親王妃高明女也師尹欲因事排陷代其位故使滿仲等誣奏之遂為所構源平盛衰記救搜捕其黨流繁延於土佐千晴於隱岐僧蓮茂於佐渡略紀○高明之被謫也在衡聞而歎惜家臣慶曰大臣有闕次當在公在衡大怒逐其臣續古事談○秋

八月帝傳位皇太弟略紀帝自為儲貳患心疾及即位增劇榮花物語由是政歸外戚朝綱不振國家之衰自此始矣大鏡在位三年改元者一曰安和皇太弟立是為圓融天皇

圓融天皇諱守平村上帝第五子冷泉帝母弟也冷泉帝踐祚立為皇太弟至是受禪時年十一詔太政大臣實賴攝政立皇姪師貞親王為皇太子○冬十月左大臣兼皇太子傅左近衛大將藤原師尹薨○天祿元年春正月以右大臣藤原在衡為左大臣大納言藤原伊尹為右大臣略紀伊尹師輔之子也尊卑分脈○夏五月攝政

太政大臣實賴薨贈正一位謚清慎○以右大臣藤原
 伊尹攝政○冬十月左大臣藤原在衡薨略紀在衡中納
 言山蔭之孫僧如無之子也公卿補任初山蔭赴筑紫見漁
 者捕龜將殺之憫而買之放去後挈妻子浮海妻惡其
 兒非己所生竊與乳母謀佯為失手墜之海俄而有一
 大龜負之而出兒即如無也十訓抄至在衡起文章生遂
 登台司圖系在衡在職以恪勒稱一日風雨甚衛士相謂
 今日在衡恐不可參言未畢蓑笠乃至在衡每朝車中
 覽書及入承顧問必其書中事也故才學雖不過人應
 對明詳常為帝所稱十訓抄○冬十月召還太宰權帥源

高明○十一月以攝政伊尹為太政大臣職仍舊大納
 言源兼明為左大臣權大納言藤原賴忠為右大臣略紀
 兼明醍醐皇子紹運錄賴忠實賴之子也尊卑分脈○三年冬
 十月太政大臣伊尹罷攝政略紀詔權中納言藤原兼通
 參決庶務兼通伊尹之弟也補任○十一月太政大臣伊
 尹薨贈正一位謚謙德世稱一條攝政紀略補任分脈伊尹性
 好豪華嘗至大饗日視寢內壁差陳俄以陸奧紙糊之
 師輔嘗遺誠子孫以節儉伊尹不能遵守時論譏焉然
 其定終制一從儉薄大鏡○以權中納言藤原兼通為內
 大臣略紀初村上帝時兼通請中宮令手書曰後來攝關

有闕宜以兄弟次第相及時弟兼家夙顯達至大納言
 兼右近衛大將而兼通淹滯以是缺望屢廢朝參帝亦
 待之稍薄及兄伊尹薨兼通以中宮手書呈帝帝視母
 后手跡愴然有戚容輒難違之遂有此命由是兼家與
 兼通有隙鏡大○天延元年夏四月盜火前越前守源滿
 仲家延燒數百家召材武者護衛禁內○二年春二月
 以內大臣藤原兼通為太政大臣○三月以兼通為關
 白○三年秋八月先是彗星見東北宮中屢有怪異至
 是詔公卿已下各上封事○貞元元年夏四月地大震
 ○五月禁內火帝遷御職曹司○六月詔減服御常膳

蠲諸國天祿三年以前逋負免天下徭半紀略○京師及
 近江地大震宮城官舍佛寺多壞壓死者甚多紀略
 抄帝出南庭避之周幄為御座○秋七月微雪○帝遷
 自職曹司御關白兼通堀河第自六月至七月地數震
 ○九月地大震○二年春二月地大震○夏四月以左
 大臣兼皇太子傅源兼明右兵衛督源昭平為親王紀略
 時關白兼通專政欲以從兄賴忠為左大臣誣奏兼明
 有疾策為親王任中務卿陽示尊之實奪之權兼明甚
 不平之榮花物語兼明將卜隱居於龜山又為兼通所沮乃
 作菟裘賦以譏焉粹文○以右大臣藤原賴忠為左大臣

大納言源雅信為右大臣略紀雅信敦實親王之子也補任

○秋七月徙御新宮○冬十月太政大臣兼通罷關白

以左大臣藤原賴忠為關白○十一月太政大臣兼通

薨贈正一位謚忠義略紀初兼通長女煌子為女御既而

立為皇后時兼家長女超子為上皇女御又欲使次女

詮子侍帝兼通忿然曰我女既為中宮而彼又欲進其

女乎由是嫌隙滋甚及超子生皇子兼通益不悅白帝

曰兼家奉院皇子僥倖非冀恐不利於陛下宜先事擯

斥之右大臣藤原賴忠與兼通善兼通欲薦之今代已

乃使源兼明解職以賴忠任之榮花物語及病革門者通云

公弟大將來扶起而待兼家過其門而不入直朝參兼

通大怒力疾詣朝時兼家以為兼通已死欲速奏代之

既在上前見兼通愕避兼通聲色甚惡乃奏曰臣今將

終願一行除目請以賴忠為關白奪兼家官以從弟濟

時代之奏畢便歸第而薨大鏡○天元元年冬十月以關

白賴忠為太政大臣職仍舊右大臣源雅信為左大臣

大納言藤原兼家為右大臣○二年春三月謁石清水

宮略紀石清水行幸始此一代要記○三年冬十月禁內

火殿舍盡焚帝避之中院徙御職曹司略紀詔減服御

常膳免五畿七道諸國調庸逋負及天下徭半○四年

秋七月徙御新宮

紀略

○五年春二月京師多盜放火劫

人先是海賊大起調庸路梗至是滋熾劫掠行旅

小右記

○冬十一月禁內火徙御職曹司○永觀元年春二月

捕京畿私帶弓箭兵仗者案之○二年夏五月制非職

帶兵者罪當杖○秋八月帝傳位於皇太子紀略帝末年

紀綱大紊至盜賊橫行放火禁內朝士入宮為盜在位

十六年改元者五曰天祿天延貞元天元永觀皇太子

立是為華山天皇

紀略紀綱大
紊據江談抄

華山天皇諱師貞冷泉帝長子也母贈皇太后藤原氏

安和二年立為皇太子至是受禪徙御新宮○立圓融

帝皇子懷仁親王為皇太子日本紀略○冬十二月詔曰木

從繩則正后從諫則聖夫人主者以納敢諫為先人臣

者以進讜言為任廣德之戒樓船終就其安朱雲之折

殿檻永令無理國之將興也上下聚唇國之將廢也道

路以目至如忘家為國面折尸諫者是朕之願也叔向

有言大臣重祿不諫小臣畏罪不言下情不上通此患

之大者也靜而思之誠哉斯言互令公卿大夫及京官

諸國五位已上秀才明經課試及第名為儒士者各上

封事匡朕不逮文粹

外史氏曰英傑之主廣求讜言務決壅蔽故言路日

閱賢才日進昏庸之主聰明自恃惡聞其過故言路日塞姦邪日進此治亂之所由分也 冷泉以後皇室陵遲政歸后族天子唯垂拱仰成而已自非英傑之主不能剛決果斷抑其權勢而收其威柄 華山踐祚初首求讜言庶幾有爲然是時權戚伺間逞其欺詐剛明之主猶莫能爲况於庸主乎求言之詔竟爲文具惜哉

圓融末年朝政廢弛紀綱紊亂及帝即位參議藤原義懷與左中辨藤原惟成協心輔政紀綱頗張大鏡江義談抄懷伊尹之子也大鏡○寬和元年春正月左兵衛尉藤原

齊明傷彈正大弼大江匡衡而止官符諸國捕之

小右記

○夏四月有大蟹上承香殿○五月誅藤原齊明○冬十一月行大嘗祭於大極殿以豐樂院壞也○二年六月帝遜位入華山寺落髮爲僧略紀初帝即位藤原義懷以外舅之親干預朝政藤原兼家疾之欲令帝早讓位其子道兼探知其意多方爲計時道兼爲左少辨親近左右會帝寵姬牴子止帝悼念不已頗有厭棄塵累之心道兼與僧嚴久閑說佛經勸去位曰陛下第早捨身臣亦奉從帝遂決意至是夜與道兼潛出宮時月色方明帝少猶豫道兼趣曰劍璽已奉東宮事不可復止既

而有雲翳月帝曰我願成乃至華山元慶寺落髮義懷
惟成追至行在披剃為僧道兼給帝曰已奉聖約暫歸
鮮父母乃去不來帝始悟為其所賣大鏡榮花物語
愚管抄十訓抄○
帝之遜位也夜潛出宮雖妃嬪不之知路過天文博士
安部晴明宅其夜晴明避暑庭中仰見天象忽拍手獨
駭曰天象有變天子避位何哉帝行聞而走晴明便入
奏急變於是宮中始知帝不在大鏡元
亨釋書晴明大膳大夫
益材之子尊卑
分脈學陰陽推算之術於賀茂忠行善天文
雜占奇中如神今昔
物語帝性有巧思宮室器翫創意出奇
鏡大又好和歌親撰拾遺集八雲
御抄

外史氏曰自古人君留意書畫翫好未有不亡國敗
家者也宋徽宗之好書畫元順帝之製作器翫叔意
出奇可謂才藝絕倫而至社稷顛覆國家為墟莫之
悟也 帝天資絕巧才調有餘而不知為姦邪所賣
書曰翫物喪志蓋 帝之捨身雖惑溺使然亦由喪
志故也可不戒哉

在位三年改元者一日寬和皇太子立是為一條天皇
一條天皇諱懷仁圓融帝子也母女御藤原氏永觀二
年立為皇太子至是踐祚年七歲右大臣藤原兼家攝
政○秋七月尊所生藤原氏曰皇太后○立華山帝弟

居貞親王為皇太子○攝政兼家罷右大臣以大納言
藤原為光為右大臣紀略罷右大臣補任為光兼家之弟也尊卑分脈

○永延元年春二月僧裔然還自宋獻印本一切經桑扶

略裔然東大寺僧永觀二年如宋元亨釋書獻職員今年代

記各一卷太宗召見存撫甚厚賜紫衣館于太平興國

寺太宗聞我皇系一姓傳繼臣下皆世官因謂宰相曰

日本國祚遐久其臣亦繼襲不絕蓋古之道也我國自

唐季之亂寓縣分裂梁周五代享歷尤促大臣世胄鮮

能嗣續可嘆也宋史文獻通考○三月定新制十三條○夏五

月申定新制五條○秋七月以亢旱詔公卿上封事○

九月一品中務卿兼明親王薨紀略親王天資豪邁博

學多才能屬文兼工書名冠當時為柄臣所忌不得展

其志怏怏不樂本朝文粹至是薨世稱中書王尊卑分脈○永祚

元年春二月以權大納言藤原道隆為內大臣紀略道隆

兼家之子也公卿補任○三月幸春日社春日行幸始此略紀

西宮記○夏六月太政大臣賴忠薨贈正一位謚廉義略紀

○秋八月辛亥三日並見百鍊抄○冬十二月以攝政兼

家為太政大臣職仍舊○正曆元年夏五月兼家罷攝

政為關白尋罷以內大臣藤原道隆為關白尋攝政○

秋七月前關白太政大臣兼家薨紀略以剃髮不賜謚初

圓融帝時關白兼通讓其職於賴忠責授兼家治部卿
 兼家以非罪貶斥怏怏不樂鏡大賴忠憐其沉滯為奏拜
 右大臣既而其女詮子入宮有寵生帝及華山帝立以
 帝為儲貳兼家以為當任關白而賴忠在職意甚不平
 家居不出其子道兼設計使華山帝去位帝遂即位榮花
 於是兼家大得志得專朝政晚年窮極奢侈營
 管抄物語愚居室於東三條第制作模清涼殿其奢僭如此論者譏
 焉大鏡○二年春二月圓融法皇崩壽三十三○秋七月
 攝政道隆罷內大臣○九月以右大臣藤原為光為太
 政大臣大納言源重信為右大臣權大納言藤原道兼

為內大臣略紀重信敦實親王之子也分脈○三年夏六月
 太政大臣為光薨贈正一位謚恒德略紀世稱鷹司分脈○
 冬十一月後五位下源忠良討阿波海賊俘獲頗多○
 四年夏四月攝政道隆為關白○五月詔贈故右大臣
 菅原道真左大臣正一位○秋七月左大臣兼皇太子
 傳源雅信罷尋薨○冬閏十月再贈菅原道真太政大
 臣正曆元年事誤○五年春二月盜火後涼殿抄百鍊又
 火弘徽殿飛香舍○三月分差武士索盜○秋八月以
 右大臣源重信為左大臣內大臣藤原道兼為右大臣
 權大納言藤原伊周為內大臣略紀伊周道隆之子分脈○

長德元年夏四月關白道隆罷尋薨補任世稱二條分○

以右大臣藤原道兼為關白○五月關白道兼左大臣

源重信並薨紀道兼在職僅七日世曰七日關白稱粟

田道兼常謂吾有功於父關白非吾而誰及道隆襲職

道兼甚望之故居父喪無戚容會賓客遊戲時人醜焉

榮花物語○救權大納言藤原道長內覽太政官文書○六

月以權大納言藤原道長為右大臣紀道長兼家之子

也為人豪邁有才略兼家常散羨族子公任為人激勵

諸子曰吾兒不及遠甚諸兄自揆不如然而不答道長

獨對曰小子固不能蹈影恐終蹈其面而已少時嘗與

兄道隆道兼侍華山帝時夜雨甚闇帝欲試三人量謂

之曰誰冒此闇夜能至無人處邪道長曰臣可往乃分

命三人曰道隆宜往豐樂院道兼仁壽殿道長大極殿

時已三更二兄畏縮殊甚道長從容白帝曰臣今獨往

當以何為證帝乃於巾箱中出小剪刀授之既而二兄

皆股栗不得前而還少選道長徐還即以一木梯為證

曰此是臣所削取大極殿南而下柱木梯也帝遣人驗

之果然帝大感賞鏡大兼家之薨及葬眾遽騷擾道兼惶

懼失色道長年最少神色自若徐曰僕已遣人問之無

它但馬驚伏耳時源賴光在坐退數曰此人已有將帥

之量集著聞道長善射御工詩歌初飯室有善相者見道

長曰斯人有奇表如虎度山貴不可言後果如其言鏡大

賴光滿仲之子也尊卑分脈○二年夏四月貶內大臣藤原

伊周為大宰權帥伊周弟權中納言隆家為出雲權守

略紀初道隆疾篤不能視事因請令伊周攝省中事及道

隆薨自謂己必代其職而以叔父道兼在己上忌之令

外祖高階成忠咒詛既而道兼為關白伊周慚忿未幾

道兼薨伊周喜以為己必代之及道長為內覽伊周大

失望時為光二女娶居鷹司第伊周通其姊華山法皇

亦聞其妹美屢往窺之伊周以為通其姊以告弟隆家

隆家乃率輕俠數人夜覘法皇歸自鷹司欲發矢怖之

誤中御衣事喧傳京師帝雖粗聞知為法皇耻之不驟

推問會伊周修太元法呪詛東三條太后故事太元法

非官不得修事諉覺帝震怒至是遣檢非違使左衛門

尉平惟時肥前前司源賴光等收之遂處竄謫榮花物語○

秋七月以右大臣藤原道長為左大臣大納言藤原顯

光為右大臣略紀顯光兼通之子也補任○閏月鴨河溢大

風壞廬舍略紀○三年春三月召還藤原伊周藤原隆家

補任大鏡裏書○夏六月高麗獻書廷議不報嚴警邊備百鍊抄

○秋七月以大納言藤原公季為內大臣略紀公季師輔

之子也分脈○冬十月太宰府言高麗劫掠邊陲○十二

月太宰府言獲高麗賊三十餘人百鍊抄○四年秋九月

太宰府言海島人捕獲高麗賊○冬十二月盜入宣耀

殿○長保元年夏四月禁內火帝徙御一條大宮院略記

○冬十二月先是散位平致賴與前下野守平維衡構

兵而戰藤原致忠殺前相模守橘輔政子至是流致賴

於隱岐維衡於淡路致忠於佐渡紀略小右記○二年

春正月立女御藤原彰子為中宮略記彰子道長之女也

大鏡時道長威勢翕赫大江以言嘗作詩譏之有云鹿馬

應迷二世情道長街之爾後帝欲擢以言道長沮之曰

斯人即作鹿馬惑二世詩者也帝乃止古事談○冬十月

徙御新宮○三年冬十一月禁內火帝避之職曹司略記

○四年冬十二月始置內侍所神樂一代要記○五年

夏五月京師大水○冬十月徙御新宮○寬弘二年春

二月以從二位藤原伊周班大臣下納言上○盜殺大

藏大輔平孝信略記○秋七月親試學生於弓場殿以中

第者直御書所紀略百鍊抄○冬十一月以藤原伊周參預

朝政小右記補任○禁內火神鏡大刃契杖帝避之神嘉殿

遷御大政官朝所又遷御東三條第紀略百鍊抄○十二

月遣參議藤原行成於伊勢奉宸筆宣命告神鏡罹災

紀略 宸華宣命始此著聞 行成伊尹之孫也分脈 性質直多

才藝最妙書法世與兼明親王藤原佐理並稱為三蹟

占事談 初藏人頭源俊賢遷參議帝問曰誰可代卿者

俊賢以行成對帝曰階級尚卑難遽超擢俊賢曰行成

才能過人足職獻納何以資望之淺沮其登庸夫君入

者在務知久知久則賢者益進小人自退否則政事不

能無愆失惟陛下察焉帝從之大鏡 ○三年春三月遷御

一條院略紀 ○夏四月客星見南方百鍊抄 ○五月修仁王

百講於大極殿讀經大內七日法成寺攝政記 ○秋七月召公

卿議改鑄神鏡有蛇上殿走向神鏡所在因罷改鑄略紀

百鍊抄 ○四年夏六月有大流星 ○秋七月修仁王會禳

星變法成寺攝政記

外史氏曰災異者天之所以警戒人君古之明君莫

不恐懼修省以答天譴故災異自消而君德加修焉

堯以洪水而聖湯以大旱而王大戊以桑穀而昌高

宗以响雉而興後世人君不知責諸身反諸己祈禳

禱繪以冀苟免所以天變頻見而君德愈亂也 帝

之在位也三日並見大風洪水無歲無之四罹祝融

至神鏡成灰天地之變孰有大於此者乎當是之時

后族專政勢過人主而天之丁寧告戒如此然而未

嘗聞有修省之事但付諸釋氏之讀經而已其侮天
戒不亦甚哉嗚呼神鏡焚而帝祚衰寶劍沈而王室
傾陵夷之漸職此之由可不哀哉可不畏哉

○五年春正月以藤原伊周準大臣○二月華山法皇

崩壽四十一紀略法皇常居元慶寺持律精嚴後稍近女

色志操遂變榮花物語○秋八月僧寂昭如宋略記寂昭初名

定基大江齊光之子也少善詩文續傳仕至參河守一

日削髮為僧至是如宋略記宋主延見問本朝事寂昭

請紙筆以對獻所齋佛像宋主大悅賜紫衣束帛館於

上寺元亨釋書賜號圓通大師宋史三司使丁謂遇之甚渥及

智禮答釋成寂昭將持而歸謂欲留之盛言姑蘇山水

之美寂昭遂留于吳門寺使人送答釋於源信元亨釋書謂

乃分月俸給之後言語稍通戒律精至三吳道俗多歸

向者嘗以黑金水瓶贈謂并詩曰提携三五載日用不

曾離曉井斟殘月春爐釋夜嘶鄒銀難免侈萊石易成

虧此器堅還寶寄君應可知苑談又善書迹字體婉美有

二王之風為楊億所賞云王氏談錄○六年春二月停藤原

伊周朝參紀略初伊周妹定子入宮立為皇后生敦康親

王伊周常謂親王必登青闈及中宮生敦成親王大失

望時會流言伊周與高階明順咒詛敦成道長召明順

責之明順憂死至是伊周坐之停朝參榮花物語○夏六月

聽伊周朝參○秋七月二品中務卿具平親王薨略親

王村上皇子幼英敏才藝絕人榮花物語尤工詩歌大鏡世與

兼明親王並稱呼曰後中書王皇胤紹運錄○按談苑

與書寂照未書寬弘四年九月章州最妙中土善書亦

鮮及若愚即具平親王也世人誤為兼明親王兼明永

延元年薨明也大江匡房嘗曰古今能繼父業者惟都在

中管原淳茂管原輔昭與親王而已其餘不足論也江談

抄○冬十月一條院火延喜天曆御記累朝寶器盡焚

帝徙御左大臣藤原道長批杷第○七年春正月準大

臣藤原伊周薨○秋七月大雨洪水○冬十一月一條

院成徙御焉○八年夏六月帝不豫傳位於皇太子略紀

帝慈仁愛民冬夜嘗脫御衣中宮異而問之帝曰方今

天寒天下窮民必有寒者朕豈忍獨重襲哉古事談帝臨

御日久一時人才輩出續性生傳源經信藤原公任源俊賢

藤原行成以才藝稱世稱四納言而當時閨閣之秀有

紫式部清少納言赤染衛門和泉式部伊勢大輔之流

清少納言清原元輔之女也有才學十訓抄給事後宮甚

見眷遇皇后雪後碩左右曰香爐峯雪如何少納言即

起捲簾人稱其敏捷十訓抄帝每曰朕之不德

唯得入一事庶不愧延喜天曆之世十訓抄然遭道長專

權政不出己意雖惡之不能制焉古事談在位二十六年

改元者六曰永延永祚正曆長德長保寬弘皇太子立

是為三條天皇略記

三條天皇諱居貞冷泉帝第二子也母贈皇太后藤原

氏寬仁二年立為皇太子至是受禪立一條帝第二子

敦成親王為皇太子日本略記初一條帝之禪位也欲以敦

康親王為帝儲貳然以其舅伊周已死無戚族之援遂

立二宮大鏡榮○一條法皇崩年三十二秋八月自東

三條第徙御禁中○詔左大臣藤原道長知大政官文

書○冬十月冷泉上皇崩壽六十一○長和元年春二

月立女御藤原妍子為中宮妍子藤原道長女略記是為

枇杷中宮大鏡○夏四月立女御藤原城子為皇后略記城

子藤原濟時女也初城子入宮有寵生敦明親王及枇

杷中宮立帝又欲冊城子為后然憚道長不決道長揣

知帝意勸帝立之然實非其意也及冊立之日廷臣無

至者帝大忿恚唯大納言藤原實資中納言藤原隆家

等數人入預朝會小右記時道長以累世權威專朝政廷

臣上下黃綠攀附唯恐不及至是綱紀日弛實資獨侃

然正色無所回避屢發忠憤帝亦倚賴焉小右記實資

實賴之孫齊敏之子也大鏡○秋七月式部大輔大江匡

衡卒年六十一略紀匡衡左京大夫重光之子也大江系圖七

歲始讀書九歲賦詩受學祖維時江吏部集及長博洽冠世

略通識緯小右記然位不稱才仕途沉滯每歎軼軻本朝文粹

○三年春二月禁中火帝徙御松下曹司○三月內藏

寮掃部寮火累代寶器藥物盡焚○夏四月徙御左大

臣藤原道長枇杷第○四年秋九月徙御新宮○冬十

月敕左大臣藤原道長行京官除目於直廬儀準攝政

紀略○十一月地大震略紀○禁內火徙御枇杷第

略紀○十二月歲星經天小右記○五年春正月帝傳位皇

太子略紀帝在位病失明朝會少臨御道長數諷去位帝

不憚時道長專權帝頗不平常慮為其所忌意不自安

小右記至是遂決意脫屣大鏡在位六年改元者一曰長和

皇太子立是為後一條天皇略紀

後一條天皇諱敦成一條帝第二子也母中宮藤原氏

寬弘八年立為皇太子至是受禪時年九歲立三條帝

皇子敦明親王為皇太子左大臣藤原道長攝政○夏

六月徙自上東門御一條院○冬十一月攝政道長罷

左大臣○寬仁元年春三月以右大臣藤原顯光為左

大臣內大臣藤原公季為右大臣權大納言藤原賴通

為內大臣略紀賴通道長之子也大鏡○攝政道長罷以賴

通攝政班左右大臣上○夏五月三條法皇崩壽三十
二○秋八月皇太子辨位立敦良親王為皇太弟略紀初
三條帝之禪位也道長欲立敦良為上儲貳三條帝不
聽遂立敦明時敦明長帝十四歲長幼失序且其立非
道長之意及法皇崩在廷臣僚皆畏道長無起居東宮
者東宮僚屬亦皆懷顧慮不敢供其職門庭寂然可設
雀羅太子益不樂遂有遜位之志召道長子能信告以
其意能信往告道長道長大喜即白太后傳詔允其所
請賜號曰小一條院大鏡封戶仍舊給年官年爵受領吏
一準上皇大鏡道長既令太子遜位欲慰安其心乃進

女寬子以為其妃大鏡故事立太子必傳壺切劍及敦明
立有司誓緩竟不傳之人知其不終也左經記
外史氏曰甚哉道長之專也既通三條帝令遜其
位以擁立其外孫又立敦明為之儲貳以悅三條
帝之意及一旦外遐陵土未乾又奪其位以立其外
孫天子拱默以受其制陵替至是可勝歎哉
○冬十二月以前攝政道長為太政大臣略紀○二年春
二月太政大臣道長罷左經記○夏四月徙御新宮○冬
十月立女御藤原威子為中宮略紀威子道長女也大鏡○
三年春三月女真賊船五十餘艘寇對馬按本書以女

皇朝史略 卷六 三十四

載高麗牒狀云女真未知其稱刀伊以何故中古記載
刀伊陣法與文獻通考女真考同則刀伊為女真無疑
故今夏四月盜火襲芳舍及藍園京師多盜數放火

劫掠救立賞格購索捕之○太宰府驛奏女真賊入壹

岐鳥殺守藤原理忠虜掠人民遂侵筑前怡土郡時藤

原隆家為太宰帥遣前少監大藏種材藤原明範等距

戰遂破之賊徒逃去隆家上諸將士功朝廷賞種

材為壹岐守種材天慶中討藤原純友者對馬守春實

之孫也鏡大初女真寇西邊救符太宰府討之符未至隆

家發管内兵擊而却之奏捷京師公卿會議行賞權大

納言藤原公任中納言藤原行成等曰所下救符雖有

賞募之文而符未到府先既發兵不宜加賞大納言藤

原實資駁曰夫功者雖微必賞所以勸人也昔寬平中

新羅侵對馬島司文室善友不待救符擊走寇賊朝議

便加賞苟有功可錄何問救符到不到此而不賞將何

以勸後權大納言藤原齊信亦同其議遂從之小右○

冬十二月以攝政賴通為關白○四年春二月聽僧濟

信乘牛車出入宮門聽僧牛車始此紀略左○冬閏十

二月太宰府言南蠻賊掠薩摩人詔討之左經○治安

元年夏五月左大臣藤原顯光薨○秋七月以右大臣

藤原公季為太政大臣關白內大臣賴通為左大臣職

皇朝史略

仍舊大納言藤原實資為右大臣權大納言藤原教通

為內大臣紀略教通賴通之弟也○秋七月伊豫守源賴

光卒伊豫守據小右賴光為人英武驍勇冠世善射以

將略稱歷事圓融華山一條三條及帝累官至正四位

上尊卑伊豫守小右長保中為東宮大進侍直時有狐

卧殿上太子命射之賴光一發中之太子感賞賜以寮

馬今昔賴光嘗夜過弟賴信宅宴飲適見繫一人於厩

中問彼何人賴信曰鬼同九者也賴光曰彼固多力何

不嚴其縛賴信乃令繫以鐵鎖鬼同九聞而怨之爾夜

賴光醉卧賴信家鬼同九脫鎖逃出潛上藻井將伺便

刺之賴光召從士警衛鬼同九不得發聞其往鞍馬欲

要之於路乃赴鞍馬至市原殺野牛匿身其間以待之

既而賴光至源綱源據公時姓平定道平季武從定道

姓據今賴光見牛群游令從士射之綱見斃牛射之牛

突然而起俄而鬼同九跳出揮刃逼賴光賴光挺刀斬

之遂墜其首人服其勇武著聞○萬壽四年冬十二月

前攝政大政大臣道長薨年六十二紀道長典樞機三

十餘年女為三朝后子為攝關政柄歸已黜陟任心大

一條已來天子屢幸其第錫賚重疊富過王室帝嘗患

瘧使僧綱祈禳賞絹不足乃取於其第給焉東三條第

皇朝史略 卷六 三十一

嘗罹災課諸國營造取近衛府材木及神泉苑乾臨閣石以充其用小右記尤信佛乘晚年創法成寺於京極擬興福寺其奢僭如此病革徙居法成寺世稱法成寺攝政外戚之盛古今無比云大鏡榮花物語○大納言藤原行成薨略記行成少有雅度一條帝時嘗在殿上與藤原實方論事實方不勝怒直取其冠投之中庭行成神色自若徐召小吏取冠著之帝適隔牖見之知其器度足任擢藏人頭疏斥實方為陸奥守古事談十訓抄○長元元年秋八月前上總介平忠常反于下總殺安房守惟忠姓關遣檢非違使右衛門少尉平直方少志中原成道等討之官

符東海東山二道同討略記○二年春二月彗星見一代

要記○夏六月遣檢非違使搜索平忠常家僮在京師者

○冬十月太政大臣公季薨贈正一位謚仁義略記是為

開院祖尊卑分脈○三年春正月盜殺女子於豐樂院壇上

○安房守藤原光業畏平忠常棄印鑑還京師○夏四

月禁諸國吏營宅過制又禁六位已下版築作垣檜皮

葺屋略記○秋八月以追討使平直方討忠常無功救甲

斐守源賴信率坂東諸國兵討忠常召還直方略記○

四年春二月先是耽羅人漂來至是給糧放還小右記○

夏四月甲斐守源賴信言平忠常降略記○六月源賴信

以平忠常歸京師忠常病而道死斬首傳于京師略初

賴信至常陸按本書為下賴信為常陸守時事誤今訂之將攻忠常左衛門尉

平惟基諫曰忠常依阻險隘軍鋒甚銳難可猝攻請俟

兵集而行賴信不聽遂率兵赴下總惟基率騎三千來

會鹿島忠常臨湖列壘壁悉收舟楫按本書湖作海蓋常總之際界以大

湖故記者誤作海耳今訂之賴信至不得濟乃使大中臣成平往諭

以利害忠常不從賴信集眾問攻戰之計咸曰無船何

以濟軍賴信曰如環湖而行則替緩失機賊益固守今

賊恃險不設備如直濟而出其不意則可一鼓而拔不

如急攻之我嘗聞此水有淺處廣一丈許水僅及馬腹

豈軍中有知之者乎有真髮高文者進曰我濟之熟矣

請先渡遂馳入湖令一卒從其所往立葦為標於是全

軍亂流而進忠常果不設備見大眾至不敢距戰惶遽

出降軍士相謂曰吾徒生長此地而知其津渡不過數

人將軍始來而能知之殆非人之所及也今昔物語○九年

春三月帝弗豫○夏四月帝崩壽二十九在位二十一

年改元者四曰寬仁治安萬壽長元皇太弟立是為後

朱雀天皇略紀

後朱雀天皇諱敦良後一條帝母弟也扶桑略記寬仁元年

立為皇太弟長元九年七月即位日本略記○九月左馬

頭藤原保昌卒保昌右京大夫致忠之子也尊卑為人

驍勇膂力過人精達武藝與甥源賴信等齊名十訓保

昌嘗夜微行吹笛時有大盜袴垂者欲劫褫之衣踵行

里許抽刀逼之保昌停笛頷問其名袴垂不覺首服保

昌曰我嘗聞汝名汝亦非碌碌者從吾而來復吹笛徐

行還家取絮衣與之曰之則後來慎勿作劫今昔物語○長

曆元年秋八月立皇子親仁親王為皇太子○三年夏

六月禁內火帝徙御京極院略記○長久元年夏五月京

師盜賊帶弓箭往來連夜行火又有群僧殺掠行人設

賞捕之春記○秋九月京極院火神鏡罹災帝徙御故正

三位藤原惟憲第略記百鍊抄初天德寬弘時神鏡罹災然

形質不損至是銷止僅收灰燼而已人以為朝廷陵夷

之兆著聞集○冬十月徙御新宮○三年冬十二月禁內

火帝避之大政官朝所○四年春三月徙御一條院○

冬十二月一條院火徙御東三條院○寬德元年冬十

二月帝弗豫○二年春正月大漸傳位皇太子尋崩壽

三十七略記先是帝視除目見大人於四季屏風上驚悸

得疾著集帝風度明秀嚴峻有才然關白賴通專權以

故垂拱仰成無所施為世以為憾焉榮花物語神在位

十年改元者三曰長曆長久寬德皇太子立是為後冷

泉天皇

抄百練

後冷泉天皇諱親仁後朱雀帝長子也母贈皇太后藤

原氏長曆元年立為皇太子寬德二年四月即位扶桑略記

立尊仁親王為皇太弟皇年代略記初後朱雀帝違豫欲傳

位於帝而立親王為儲貳時賴通以親王非其出不欲

立之賴通弟能信探知其心密白後朱雀帝曰陛下欲

以二宮付何僧帝曰朕將立為東宮但關白言且緩之

故未命耳能信因慙慙之即日冊立使能信傳今鏡愚管抄十

訓抄○冬十二月從自京極第御太政官朝所○永承元

年春正月右大臣藤原實資薨略記實資資性忠恪不阿

權貴初上東門院入內也道長要一時名輩作和歌以

裝屏風藤原公任為其選首華山法皇亦有御製實資

獨拒不作乃歎曰豈有身為列卿而受大臣命作其屏

風和歌者乎我未之聞也況上皇之尊乎公任身出華

曹職典廷尉當自異常流而阿從之甚何心敢爾道長

使人懇祈竟固辭不作小右記實資少有操行人或姍笑

之實資不以為意益加勉勵嘗移居新宅適失火眾皆

來救實資止之徐駕車而出唯携一笛人服其曠達稱

為賢右府十訓抄其日錄曰小右記本朝書籍日錄○太政官朝

所火帝避之大膳職○夏四月從自大膳職御內大臣

藤原教通二條第○冬十月徙御新宮○二年秋七月
以內大臣藤原教通為右大臣略記權大納言藤原賴宗
為內大臣賴宗道長之子也公卿補任○冬十二月流筑前
人清原守武於佐渡以私之宋也○三年冬十一月禁
內火略記徙御京極院百鍊抄○六年春正月小一條院薨
○秋七月冷泉院成徙御焉○天喜元年秋七月徙御
關白賴通賀陽院第○二年春正月賀陽院火徙居冷
泉院○二月又徙御關白賴通四條第○三年春三月
左近衛少將藤原忠俊從士挺刃逼御座藏人源齊賴
捕獲之○四年一條院成徙御焉略記○秋七月彗

星見東方一代要記○八月陸奧土豪安倍賴時作亂命陸

奧守兼鎮守府將軍源賴義討之帝王編年記賴時祖

父忠賴父忠良世居陸奧為東夷酋長至賴時勢益彊

大橫行陸奧劫掠人民部落皆服遂為六郡酋長陸奧語記

川形勝當其中央據險設關名曰衣關跨有海陸資產今昔物語○六郡謂伊澤

豐饒東鑑文不輸貢賦不供徭役國守不能制永承中

守藤原登任發兵討之不克至是朝議以賴義為陸奧

守鎮守府將軍討之扶桑略記賴義賴信之子也系圖○五年

初賴義之討賴時也會有大赦許賴時自新賴時大喜

罷兵賴義任終視事鎮守府賴時贈以駿馬金寶厚賂士卒賴義歸國府路宿阿久利川有人夜斫藤原光貞營殺傷人馬賴義召光貞問宿昔無有取怨耶對曰賴時長子貞任嘗欲聘我妹我賤其門地不許意彼所為也賴義令收貞任賴時怒曰人之在世誰不愛妻子貞任雖不才我豈忍坐視其死乎我衆固足距戰不如閉關俟其來攻也戰若不利闔族並死亦無怨遂閉關復反陸奧話記今昔物語○秋九月賴義與賴時戰賴時中流矢而死○冬十一月賴義率兵千餘擊貞任於河崎柵時方雨雪官軍絕食貞任偵其疲勞擊之官軍大敗死亡殆

盡裁餘六騎賴義長子義家驍勇絕倫騎射如神以大鏃箭射賊軍所中必斃賊兵披靡無敢當者時賊兵二百餘張左右翼圍攻矢下如雨義家連射斃賊帥賊以為神遂解圍而去略記○十二月先是賴義任滿以藤原良經為陸奧守然以賊未平辭不赴任至是以良經為兵部大輔命賴義再任以源齊賴為出羽守共討貞任齊賴遷延無討賊之心於是貞任益猖獗劫掠人民略記○康平元年春二月禁內火延燒大極殿中院朝集堂○二年春正月一條院火帝徙御關白賴通三條第略記是歲盜屢行火皇居百鍊抄○三年夏六月河內言

盜發磯長山田陵記略○秋七月關白賴通罷左大臣以

右大臣藤原教通為左大臣內大臣藤原賴宗為右大

臣權大納言藤原師實為內大臣師實賴通之子也卿公

補任○八月賀陽院成徙御焉略○四年冬十二月以關白

賴通為大政大臣職仍舊略○五年秋九月關白賴通

罷太政大臣補任初後朱雀帝大漸頽命賴通輔帝而欲

以尊仁親王為帝儲貳賴通意不欲之弟能信諷帝立

之以故賴通與東宮不協屏居宇治不預機務今鏡愚

花物○安倍貞任伏誅先是朝廷以源賴義任滿以高

階經重代之國民素服賴義威名不受經重指揮經重

遂歸京師賴義銳意勦賊遣使諭出羽豪族清原光賴

及弟武則為援至是武則率子弟部下萬餘人來屬兵

勢大振進攻貞任叔父僧良照小松柵拔之貞任率兵

逆戰大敗走保衣川柵賴義進擊又拔之貞任退保鳥

海柵又攻拔之貞任走保厨川柵其地西北大澤二面

阻河岸高三丈餘柵上構譙樓隍中布以鐵蒺藜守備

甚固官軍又圍之貞任發矢石澆沸湯拒守甚力賴義

使士率毀屋填塹堦茨艸積岸縱火燒之會大風暴起煙

爛漲天樓櫓壘柵一時蕩盡賊軍大亂貞任揮刃出戰

官軍攢梓刺殺之貞任子千世童年十三善戰亦為官

軍所獲貞任弟宗任家任等出降餘黨悉平陸奧○六年春二月賞源賴義及子義家義綱清原武則等功進官爵各有差○三月豐樂院火○興福寺僧靜範發狹城盾列池後陵盜寶物○冬十月流僧靜範于伊豆其黨十六人于諸國○七年春三月伊豫守源賴義以降虜至京師略記百鍊抄賴義東征九年平賊至是凡十一年始歸京師○治曆元年春正月右大臣藤原賴宗罷○二月前右大臣藤原賴宗薨○夏六月以内大臣藤原師實為右大臣權大納言源師房為内大臣師房具平親王之子也略記○三年冬十二月賴通罷關白特勅咨

詢政事補任一代要記○四年夏四月以左大臣藤原教通為關白○帝崩於賀陽院壽四十四在位二十四年改元者四曰永承天喜康平治曆皇太弟立是為後三條天皇略記

皇月巳各
卷六
三十四

